

Communicaziun a las medias dals 7 d'avust 2023

## 60 giuvenils s'engaschan en favur dal gaud da muntogna

Per l'indeschavla giada han già lieu questa stad las emnas da lavur da la Banca Chantunala Grischuna (BCG) e dal Project en favur dal gaud da muntogna. 60 giuvenils han lavurà durant quatter emnas il fanadur cun grond engaschi per il mantegniment dal gaud da muntogna grischun.

Las scolaras ed ils scolars da 15 fin 19 onns han construi sendas e saivs da protecziun cunter la selvaschina e tgirà il gaud giuven e surfatschas protegidas. Las emnas da project han già lieu quest onn a Cuira, Küblis, Cazas e Glion.

La BCG ha pussibilità quest project da stad già per l'indeschavla giada. Var 90 annunzias èn entradas quest onn. Cun las emnas da project fa la BCG lavur impurtanta per il gaud da protecziun indigen. In gaud da muntogna intact protegia numnadamain da privels natirals ed è il spazi da viver da numerusas spezias d'animals e da plantas. Il medem mument porscha la BCG jobs da stad raschunaivels per giuvenils. Quai fa ella en collavuraziun cun il Project en favur dal gaud da muntogna, ina fundaziun d'utilitad publica cun sedia a Trin.

Il proxim project en favur dal gaud da muntogna da la BCG ha probablamain lieu la stad 2024.

### Contact:

- Project en favur dal gaud da muntogna: Dunja L. Meyer, [dmeyer@bergwaldprojekt.ch](mailto:dmeyer@bergwaldprojekt.ch), telefon +41 81 650 40 40
- BCG: Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

### Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias puschidas per lavur voluntara.